

বরাবর
মহাপরিচালক (গ্রেড-১)
প্রাথমিক শিক্ষা অধিদপ্তর
মিরপুর-২, ঢাকা-১২১৬।

বিষয় : AT Case no. ১৫২/২০২০ এর রায় বাস্তবায়নপূর্বক যোগদানের তারিখ হতে ১১তম গ্রেডে বেতন নির্ধারণ এবং বকেয়াসহ সকল বেতন-ভাতাদি প্রাপ্তির আবেদন।

মহাশয়,

যথাযথবিহিত সম্মান প্রদর্শনপূর্বক বিনীত নিবেদন এই যে, আমি মোঃ মহিউদ্দিন আপনার নিয়ন্ত্রণাধীন উপজেলা রিসোর্স সেন্টার, ভোলা সদর, ভোলা ডাটা এন্ড্রি অপারেটর হিসেবে কর্মরত আছি। আমি বিগত ২১/১০/২০০৪ খ্রিষ্টাব্দ তারিখে আইডিয়াল প্রকল্পে জাতীয় বেতন স্কেল, ১৯৯৭ মোতাবেক ১১ তম গ্রেডে (২,৫৫০-৫,৫০৫/-) গ্রেডে যোগদান করি। কিন্তু বিগত ২৪ নভেম্বর ২০০৫ তারিখের প্রাশিঅ/সাধারণ প্রশাসন/ও এম-১১১/২০০৫/১১২৪(১৫)নং স্মারক মোতাবেক প্রকল্প থেকে রাজস্ব খাতে স্থানান্তরের সময় আমাকে ১৬তম (১,৮৭৫-৩,৬০৫/-) গ্রেডে অবনমিত করে পদায়ন করা হয়। সে মোতাবেক আমি বিগত ২৮ নভেম্বর ২০০৫ তারিখে রাজস্বখাতে যোগদান করি। একজন তৃতীয় শ্রেণীর সামান্য বেতনভুক্ত কর্মচারী হিসেবে আর্থিকভাবে ক্ষতিগ্রস্ত হওয়ায় বিভিন্ন সময়ে ১১ তম (২,৫৫০-৫,৫০৫/-) গ্রেডে বেতন ও অন্যান্য আর্থিক সুবিধাদি প্রাপ্তির চেষ্টা করে ব্যর্থ হয়ে মহামান্য হাইকোর্টে রিট পিটিশন নং-২৪৯৭/২০১৭ দায়ের করি। মহামান্য আদালত ০৯ আগস্ট ২০১৭ তারিখের রায়ে ১১ তম গ্রেডে বেতন প্রদানের নির্দেশনা প্রদান করেন। অতঃপর সরকার পক্ষ মহামান্য সুপ্রিম কোর্টের এপিলেট ডিভিশনে ২৯৫৪/২০১৮ নং আপিল দায়ের করলে শুনানী শেষে এপিলেট ডিভিশন থেকে বর্ণিত মামলার বিষয়টি সুরাহা করার জন্য প্রশাসনিক ট্রাইব্যুনালে প্রেরণ করেন।

অতঃপর মহামান্য সুপ্রিম কোর্টের নির্দেশনা মোতাবেক প্রশাসনিক ট্রাইব্যুনালে AT-১৫২/২০২০ মামলা দায়ের করা হলে প্রশাসনিক ট্রাইব্যুনাল বিগত ১২ ডিসেম্বর ২০২১ তারিখের রায়ে ৪০ (চল্লিশ) দিনের মধ্যে উক্ত রায় বাস্তবায়নের নির্দেশনা প্রদান করেন। উল্লেখ্য জুন ২০০৫ তারিখের ১৮৪নং এস,আর,ও মোতাবেক আইডিয়াল ও নোরাড প্রকল্পসহ মোট ০৬টি প্রকল্প রাজস্বখাতে স্থানান্তর করা হয়। উক্ত ০৬টি প্রকল্পের মধ্যে উপানুষ্ঠানিক শিক্ষা প্রকল্প-১ এর কিছু জনবলের বেতন রাজস্বখাতে স্থানান্তরের সময়ে বেতন গ্রেড অবনমন করে পদায়ন করা হয়। উক্ত আদেশের প্রেক্ষিতে বঞ্চিত কর্মচারিগণ মহামান্য হাইকোর্টে মামলা দায়ের করলে মহামান্য আদালত তাদেরকে যোগদানের শুরু হতে ১১তম গ্রেডে বেতন প্রদানের নির্দেশনা প্রদান করেন। উক্ত নির্দেশনার আলোকে উক্ত কর্মচারিগণ ইতোমধ্যে যোগদানের শুরু হতে ১১তম গ্রেডে বেতন নির্ধারণ ও বকেয়াসহ যাবতীয় আর্থিক পাওনাদি প্রাপ্য হয়েছেন।


অতএব, মহোদয়ের নিকট আকুল আবেদন রাজস্বখাতে যোগদানের তারিখ হতে জাতীয় বেতন স্কেল ১৯৯৭ অনুযায়ী ১১ তম (২,৫৫০-৫,৫০৫/-) গ্রেডে বেতন নির্ধারণ এবং বকেয়াসহ সকল বেতন ও ভাতাদি প্রাপ্তির সদয় প্রয়োজনীয় ব্যবস্থা গ্রহণ করিলে আপনার নিকট চিরকৃতজ্ঞ ও বাধিত থাকিব।

সংযুক্তি:

০১।	রাজস্বখাতে পদায়ন আদেশের অনুলিপি	- ০২ (দুই) কপি।
০২।	মহামান্য হাইকোর্ট এর রায়ের অনুলিপি	- ০২ (দুই) প্রস্থ।
০৩।	মহামান্য সুপ্রিম কোর্ট এর রায়ের অনুলিপি	- ০২ (দুই) প্রস্থ।
০৪।	প্রশাসনিক ট্রাইব্যুনাল রায়ের অনুলিপি	- ০২ (দুই) প্রস্থ।
০৫।	উপানুষ্ঠানিক শিক্ষা প্রকল্প-১ রায় বাস্তবায়নের অনুলিপি	- ০২ (দুই) প্রস্থ।

তারিখ: ২৭.০২.২০২২ খ্রি.

আপনারই একান্ত অনুগত



(মোঃ মহিউদ্দিন)

ডাটা এন্ড্রি অপারেটর
থানা রিসোর্স সেন্টার
ভোলা সদর, ভোলা।